

اتوار 16 اگست، 2026

مضمون۔ جند

سنہری متن: زبور 4:27 آیت

”میں رب کو لوں اک درخواست کیتی اے۔ میں اوہد ای طالب رہواں گا میں ساری عمر خداوند دے گھر وچ رہواں گا تاں جو خداوند دے جلال نوں ویکھاں تے اوہدی ہیکل وچ استفسار کریا کراں۔“

جوابی پڑھائی: زبور 103:1 توں 4 آیتاں

زبور 2:29، 11

زبور 96:6 آیت

- 1۔ اے میری جند خداوند نوں دھن آکھ تے جو کجھ میرے اندر اے اوہدے پاک ناں نوں دھن آکھے۔
- 2۔ اے میری جند! خداوند نوں دھن آکھ تے اوہدی کسے نعمت نوں بھلیں نہ۔
- 3۔ اوہ تیری ساری بدکاری بختند اے۔ اوہ تینوں ساریاں بیماریاں توں شفا دیندا اے۔
- 4۔ اوہ تیری جند نوں ہلاکت توں بچاؤندا اے۔ اوہ تیرے سر اُتے شفقت تے رحمت داتا ج دھر دا اے۔
- 2۔ خداوند دی اجیہی وڈیائی کرو جیہڑی اوہدے شان دے لائق اے۔ پاک آرائش دے نال خداوند نوں سجدہ کرو۔

- 11۔ خداوند اپنی امت نوں زور بخشے گا۔ خداوند اپنی امت نوں سلامتی دی برکت دیوے گا۔
- 6۔ عظمت تے جلال اوہدے حضور وچ نیں۔ قدرت تے جلال اوہدے مقدس نیں۔

درسی وعظ

بائبل وچوں

1۔ ایوب 5 باب 8، 24 آیتاں

- 8۔ پر میں تے رب دا ای طالب رہواں گاتے اپنا معاملہ رب اُتے ای چھڈاں گا۔
- 24۔ تے توں جانے گا پئی تیرا ڈیرا محفوظ اے تے توں اپنے گھر وچ جانویں گاتے کوئی شے غائب نہ دیکھیں گا۔

2۔ یسعیاہ 54 باب 14، 17 آیتاں

- 14۔ توں را استبازی نال پاسدار ہو جاویں گی۔ توں ظلم توں دور رہویں گی۔ کیوں جے توں بے خوف ہو ویں گی تے دہشت توں دور رہویں گی کیوں جے اوہ تیرے نیہرے نہ آوے گی۔

17- کوئی ہتھیار جیہڑا تیرے خلاف بنایا جاوے گا کم نہ آوے گا تے جیہڑی زبان عدالت وچ تیرے اُتے چلے گی توں اوہنوں مجرم ٹھہرانویں گی۔ خداوند آکھدا اے ایہہ میرے بندیاں دی میراث اے تے لیہناں دی راستبازی یتھوں اے۔

3- 2 تواریخ 19 باب 1 آیت

1- تے یہوداہ داباد شاہ یہوسفط یروشلیم نوں اپنے محل وچ سلامت پریتا۔

4- 2 تواریخ 20 باب 2 (توں اوہ)، 3، 4 (توں)، 13 (توں پہلی)، 14 (توں بحرِ ایل)، 14 (آیا)، 15 (توں پہلی)، 15 (ایخ)، 16 (توں:)، 17 (توں تیجی)، 17 (کیوں جے)، 18، 20 (توں پہلی)، 21، 22، 24، 29، 30 آیتاں

2- تد کجھ لوکاں نے آکے یہوسفط نوں خبر دتی پئی دریا دے پار ارام ول اک وڈھا جتھا تیرے مقابلے نوں آرہیا اے تے ویکھ اوہ حصا صون تمر وچ نیں جیہڑا عین جدی اے۔

3- تے یہوسفط ڈر کے دلوں خداوند اطالب ہوئیا تے سارے یہوداہ وچ روزے دا اعلان کرایا۔

4- تے بنی یہوداہ خداوند توں مدد منگن نوں اکٹھے ہوئے بلکہ یہوداہ دے سارے شہراں وچوں خداوند توں مدد منگن نوں آئے۔

13- تے سارا یہوداہ اپنے بالائے تے بڑھیاں تے منڈیاں نوں نال لے کے خداوند دے سامنے کھلوتا رہیا۔

14- تد جماعت دے اندر بحرِ ایل اُتے۔۔۔ خداوند دی روح نازل ہوئی۔

15- تے اوہ آکھن لگیا۔۔۔ خداوند تہانوں ایخ آکھدا اے پئی تسی ایس وڈھے جتھے دے پاروں نہ ڈرتے نہ گھبراؤ کیوں جے ایہہ لڑائی تہاڈی نیں بلکہ رب دی اے۔

16۔ کل تسی اوہناں داسا منا کرن نوں جانیو۔

17۔ تہانوں ایس لڑائی وچ لڑنا نئیں پوے گا۔ اے یہوداہ تے یروشلیم! تسی قطار بنا کے چپ چاپ کھلوتے رہنا تے رب دی مکتی تہاڈے نال اے ویکھنا۔ ڈریو نہ تے ہر اسان نہ ہوئیو۔ اوہناں دامتقابلہ کرن نوں نکلیو کیوں جے خداوند تہاڈے نال اے۔

18۔ تے یہوسفط سرسٹ کے دھرتی تیکر جھٹھیا تے سارے یہوداہ تے یروشلیم دے رہن والیاں نے رب دے اگے ڈگ کے اوہنوں سجدہ کیتا۔

20۔ تے اوہ سویرے سویرے اُٹھے۔

21۔ تے جد اوہنے قوم نال صلاح کر لئی تے اوہناں لوکاں نوں مقرر کیتا جیہڑے فوج دے اگاڑی ٹردے ہوئے خداوند لئی گاؤن تے عقیدت دے نال اوہدی وڈھائی کرن تے آکھن پئی خداوند دی شکر گزاری کرو کیوں جے اوہدی رحمت ہمیشہ تیکر اے۔

22۔ جد اوہ گاؤن تے وڈھائی کرن لگے تے خداوند نے بنی عمون تے موآب تے شعیر دے پہاڑ دے لوکاں اُتے جیہڑے یہوداہ اُتے چڑھدے آرہے سی کمین والیاں نوں بٹھا دتا۔ تے ایخ اوہ مارے گئے۔

24۔ تے جد یہودیاں نے دید باناں دے برج اُتے جیہڑا بیابان وچ سی اپڑ کے اوس انبوہ اُتے نظر کیتی تے کیہ ویکھیا پئی اوہناں دیاں لاشاں دھرتی اُتے پیاں نیں تے کوئی وی نہ پچیا۔

29۔ تے خداوند داڈرا اوہناں دیساں دیاں ساریاں سلطنتاں اُتے چھا گیا جد اوہناں نے سنیا پئی اسرائیل دے ویریاں نال خداوند دی لڑائی اے۔

30۔ تے یہوسفط دی سلطنت وچ امن رہیا کیوں جے اوہدے رب نے اوہنوں چاروں پاسیوں امان بخشی۔

5۔ یسعیاہ 61 باب 10 (توں دوجی)، 11 آیتاں

10- میں خداوند توں بوہت شادمان واں۔ میری جند خداوند وچ خوش ہووے گی کیوں جے اوہنے مینوں مکتی دے کپڑے پوائے۔ اوہنے مینوں راستبازی دے خلعت نال ملبس کیتا جیویں لاڑھا سہرے نال اپنے آپ نوں سجاؤندا اے تے دوہٹی اپنے زیور اں نال اپنا شنگھار کردی اے۔

11- کیوں جے جیویں دھرتی اپنے بوٹیاں نوں پیدا کردی اے جیویں باغ اوہناں شیواں نوں جیہڑیاں اوہدے وچ بوئیاں ہوئیاں نیں اگاؤندا اے ایسے طراں خداوند رب سچیاں تے ستائش نوں ساریاں قوماں دے سامنے ظہور وچ لیاوے گا۔

6- متی 8 باب 18 آیت

18- جدیسوع نے اپنے آل دوالے بوہت وڈھا جتھا ویکھیا تے پار جان دا حکم دتا۔

7- متی 9 باب 2 توں 8 آیتاں

2- تے ویکھو لو کی اک مفلوج نوں منجے اُتے پایا ہو یا اوہدے کول لیاے۔ یسوع نے اوہناں دا ایمان ویکھ کے مفلوج نوں آکھیا پتر حوصلہ رکھ تیرے پاپ معاف ہوئے۔

3- تے ویکھو کجھ فقیہیاں نے اپنے دل وچ آکھیا ایہہ کفر بک دا اے۔

4- یسوع نے اوہناں دے خیال پتا کر کے آکھیا تسی کیوں اپنے دلاں وچ بھیڑا خیال لیاؤندے او؟

5- سوکھا کیہ اے۔ ایہہ آکھنا پئی تیرے پاپ معاف ہوئے یا ایہہ پئی اُٹھ تے ٹر پھر؟

6- پرائس لئی پئی تسی جان لو پئی ابن آدم نوں دھرتی اُتے پاپ معاف کرن دا اختیار اے۔ (اوہنے مفلوج نوں آکھیا) اُٹھ اپنا منجا چک تے اپنے گھر ٹر جا۔

7۔ اوہ اٹھ کے اپنے گھر ٹر گیا۔

8۔ لو کی ایہہ ویکھ کے ڈر گئے تے رب دی وڈیائی کرن لگے جنسے بندیاں نوں اجیسیا اختیار دتا۔

8۔ لو ق 17 باب 20، 21 آیتاں

20۔ جد فریسیاں نے اوہنوں پہنچھیا پئی رب دی بادشاہی کدوں آوے گی؟ تے اوہنے جواب وچ اوہناں نوں آکھیا پئی رب دی بادشاہی ظاہری طور تے نہیں آوے گی۔

21- تے لوکی ایہہ نیں آکھن گے پئی ویکھو ایتھے اے! یا اوتھے اے! کیوں جے ویکھو رب دی بادشاہی تہاڈے وچالے اے۔

9۔ رومیوں 8 باب 2 (شریعت)، 6، 9 (توں پہلی)، 14 توں 17 (توں دوجی) آیتاں

2۔۔۔ حیاتی دے روح دی شریعت نے مسیح یسوع وچ مینوں موت دی شریعت توں آزاد کر دتا۔

6۔ تے بدنی نیت موت اے پر روحانی نیت حیاتی تے سکون اے۔

9- پرتوں جسمانی نہیں بلکہ روحانی ایس پر شرط ایہہ اے پئی رب داروچ تیرے وچ وسیا ہوئیا اے۔ پر جیدے وچ مسیح داروچ نہیں اوہ اوہدائیں۔

14۔ ایس لئی ییٰ جنسے رب دی روح دی ہدایت نال ٹُردے نیں اوہ ای رب دے پُتر نیں۔

15۔ کیوں جے تہا نوں غلامی دی روح نئیں ملی جیدے توں فیر ڈر پیدا ہووے بلکہ لے پاک ہو ون دی روح ملی جیدے توں اسی ابا یعنی اے باپ آکھ کے پکار دے آں۔

ماہرِ نالہ ایبہ سیتین فیلڈ کرکٹ چرچ، آزادو لوں تیار ہو یاے۔ ایبہ کنگ جیمز بائبل دیاں آتیاں تے میری بیکراڈی دی لکھی ہوئی کرکٹ سائنس دی درسی کتاب، ”سائنس تے صحت آتیاں دی گنج دے نال“ وچوں لیاں ہوںیاں لازمی تحریراں نال بنیاے۔

- 16- روح آپ ساڈی روح دے نال رل کے گواہی دیندا اے پئی اسی رب دے پتر آں۔
 17- تے جے پتر آں تے وارث وی آں یعنی رب دے وارث تے مسیح دے ہم میراث۔

10- مکاشفہ 21 باب 3 (میس)، 4 آیتاں

- 3- فیر میں تخت وچوں کسے نوں اُچی آواز نال ایہہ آکھدیاں سُنیا پئی ویکھ رب دا خیمہ بندیاں دے وچکار اے تے اوہ اوہناں دے نال سکونت کرے گا تے اوہ اوہدے لوکی ہوون گے تے رب آپ اوہناں دے نال رہوے گا تے اوہناں دارب ہووے گا۔
 4- تے اوہ اوہناں دی اکھیاں دے سارے اتھر وچ پونجھ دیوے گا۔ ایہدے توں بعد نہ موت رہوے گی نہ وین رہوے گا۔ نہ روناد ہونا نہ پیڑ۔ پہلیاں شیواں جان دیاں رہیاں۔

سائنس تے صحت

1- 26-22:477

جند مادا، حیاتی، انسان دی ذہانت اے، جیدی انفرادیت ہندی اے پر مادے وچ نہیں۔ جند روح توں گھٹ کسے شے دا پر چھانواں نہیں بن سکدی۔

انسان روح دا اظہار اے۔

2- 27-25:587

آسمان۔ ہم آہنگی؛ روح دی سلطنت؛ الہی اصول دی حکومت؛ روحانیت؛ سکون؛ روح دا ماحول۔

3- 32-25:15

مسیحی لوکی مخفی خوبصورتی تے فضل نال شادمان ہندے نیں، جیہڑا جگ توں لگیا پر رب اُتے ظاہر ہند اے۔ خود فراموشی، پاکیزگی تے احساس لگاتار د عانواں نیں۔ مشق نہ پئی پیشہ، فہم نہ پئی ایمان قادر مطلق دے کن تے دست راست حاصل کردے نیں تے بے شک ایہہ بے انتہا نعمتاں نچھاور کرواندے نیں۔ اعتماد روشن ایمان دی نیوں اے۔ پاکیزگی لئی صحت مند دی دے بغیر اسی پاکیزگی نہیں پاسکدے۔

4- 24-17:9

”توں اپنے سارے دل، اپنی ساری جند تے اپنی ساری طاقت نال خداوند اپنے رب نال پیار کر۔“ ایس حکم وچ بوہت کجھ شامل اے، ایہتھے تیکر پئی بس مادی احساس، افسوس تے عبادت۔ ایہہ مسیحیت دا ایڈورڈ وائے۔ ایہدے وچ حیاتی دی سائنس شامل اے تے ایہہ روح اُتے الہی قابو دی پچھان کردی اے، جیدے وچ ساڈی روح ساڈی مالک بن جاندی اے تے مادی حس تے انسانی مرضی دی کوئی تھاں نہیں رہندی۔

5- 12-3:482

انسان دی سوچ نے ایس مفروضے دے پاروں لفظ جند دے معنیاں نوں ملاوٹ والا بنادتا اے پئی مادے وچ رہندیاں ہوئے جند بدکار تے نیک ذہانت دونویں اے۔ جتھے معبود دے معنی مطلوب ہوون او تھے لفظ جند دا مناسب استعمال صرف لفظ رب دے نال تبادله کرن نال ای کیتا جاسکدا اے۔ دوجے معاملیاں وچ، فہم دا لفظ ورتیئے تے تہانوں ایہداسائنسی مفہوم ملے گا۔ جیویں پئی کر سچن سائنس وچ ورتیا گیا اے، جند روح یارب لئی مناسب آلٹ لفظ نہیں؛ پر سائنس دے علاوہ، جند فہم دے نال مادی احساس دے نال تعلق رکھدی اے۔

6- 16-14:269

مابعدالطبیعیات شیواں نوں خیالاں وچ بدل دی اے، فہم دیاں شیواں نوں روح دے خیالاں دے نال باہم وٹاؤندی اے۔

7- 32-27:240

فہم دیاں غلطیاں نوں کالعدم کرن دی کوشش وچ کسے وی بندے نوں پورے تے انصاف دے طور تے بوہت انمول قیمت بھرنی پووے گی جد تیکر پئی ساری غلطی پورے طور تے سچائی دے میٹھاں ننیں کردتی جاندی۔ پاپ دی مزدوری دین دے الہی طریقہ کار وچ کسے بندے دیاں گتھیاں نوں سلجھانے ایس تجربے نال ایہہ سکھنا شامل اے پئی فہم تے جند نوں کیویں دکھو وکھ کرنا چاہیدا اے۔

8- 21:209 (ساریاں) 24، 31-32

ایہناں ساریاں نوں روح وچ انسان تے سنسار دی ترجمانی دے پاروں روحانی اصلیت نوں تھان دینی چاہیدی اے۔
 جدوں ایہہ سب کچھ کیتا جاندا اے تے ایس تناسب وچ، انسان تے سنسار نوں ہم آہنگ تے ابدی پایا جاندا اے۔
 روحانی فہم رب نوں سمجھن دی اک باخبر، متواتر صلاحیت اے۔

9- 5:63 (وچ) 11

سائنس وچ انسان روح دی اولاد اے۔ اوہدانسب سوہنا، چنگیائی تے پاکیزگی بناؤندی اے۔ اوہدا اصل، بشر وانگر،
 وحشی فطرت وچ نیس تے نہ ای اوہ ذہانت تیکر اپڑن توں پہلاں مادی حالتاں وچوں لنگدا اے۔ روح اوہدی ہستی دا پہلا
 تے اصلی منبع اے؛ رب اوہدا پیو اے، تے حیاتی اوہدی ہستی دا قانون اے۔

10- 5:470-32

سائنس وچ رب تے انسان، الہی اصول تے خیال دے تعلقات لازوال نیں؛ تے سائنس بھل چک جان دی اے نہ
 ہم آہنگی ول پرت کے آؤنا، پر ایہہ الہی ترتیب یا روحانی قانون رکھدی اے جیدے وچ رب تے جو کچھ اوہ بناؤندا اے
 کامل تے ابدی نیں، جیہڑے اوہدی پوری تاریخ وچ نہ بدلن والے رہے نیں۔

11- 4:390-11

اسی ایسے توں انکار نہیں کر سکدے پئی حیاتی خود پرور اے، تے ساہنوں روح دی ہمیشہ والی ہم آہنگی توں انکار نہیں کرنا چاہیدا، کیوں جے، ظاہری احساساں وچ اختلاف ہندا اے۔ ایہہ رب، الہی اصول، توں ساڈی ناواقفیت اے جیہڑی ظاہری اختلاف نوں جنم دیندی اے، تے ایسے بارے چنگی سوچ ہم آہنگی نوں بحال کر دی اے۔ سچائی تفصیل وچ ساہنوں مجبور کرے گی پئی اسی سارے خوشیاں تے دکھاں دے فہم داحیاتی دیاں خوشیاں دے نال تبادلہ کرے۔

12- 15-11:135

جیہڑی قوت پاپ توں شفا دیندی اے اوہ ای بیماری توں شفا دیندی اے۔ ایہہ ”پاکیزگی دی خوبصورتی“ اے، پئی جدوں سچائی بیماری توں شفا دیندی اے، بدر وحاں نوں کڈھدی اے، تے جدوں سچائی اوس بدی نوں کڈھدی اے جنہوں بیماری آکھیا جاند اے، تے ایہہ بیماری توں شفا دیندی اے۔

13- 18-16:210

یسوع نے اکوای تے اکٹھے مابعد لا طبعی مرحلے نال پاپ تے بیماری نوں ٹھیک کیتا۔

14- 14-9:242

اسمان اُتے جان دی کُلی راہ ہم آہنگی اے تے مسیح اُلی سائنس وچ ساہنوں ایہہ راہ دکھاؤندا اے۔ ایہدا مطلب رب، چنگیائی تے اوہدے پر چھانویں توں علاوہ کسے ہو راصلیت نوں نہ جاننا، حیاتی دے کسے ہو رضمیر نوں نہ جاننا اے، تے ناں دے ای درد تے خوشی والے احساساں توں اُچا ہونا ایں۔

15- 10:273-15، 18 (انسان)-20

اُلی سائنس مادی حساں دی جھوٹی گواہی نوں بدل دیندی اے تے ایہ غلطی دیاں نیماں نوں توڑ دیندی اے۔ ایس لئی سائنس تے حساں وچ ویر تے حساں دی غلطیاں پاروں کامل سمجھ نوں حاصل کرن دے ناممکنات نوں مکا دیندے نیں۔

انسان اوہدوں ہم آہنگ ہندا اے جدوں روح دی نگرانی وچ ہندا اے۔ ایسے طراں ہستی دی سچائی نوں سمجھن دی اہمیت اے، جیہڑی روحانی وجودیت دے اصولاں نوں ظاہر کردی اے۔

16- 32-26:248

ساہنوں خیالاں وچ کامل نمونے بناؤنے چاہیدے نیں تے اوہناں اُتے لگاتار دھیان کرنا چاہیدا اے، نیں تے اسی اوہناں نوں کدی وڈھیاں تے شریفانہ حیاتیاں وچ نقش نیں کر سکدے۔ ساڈے اندر بے غرضی، چنگیائی، رحم، انصاف، صحت، پاکیزگی، پیار، اسمان دی بادشاہی نوں راج کرن دیو تے ایہہ پاپ، بیماری تے موت تلف ہوون تیکر گھٹ ہندے جان گے۔

17- 15-8:393

سیان بدنی حساں دی مالک اے، تے بیماری، پاپ تے موت نوں فسخ کر سکدی اے۔ ایس رب دے دتے ہوئے اختیار دی مشق کرو۔ اپنے بدن دی ملکیت رکھو، تے ایس دے احساس تے عمل اُتے حکمرانی کرو۔ روح دی قوت وچ جاگوتے اوہ سب کجھ جیہڑا چنگیائی ورگانئیں اوہنوں رد کر دیو۔ رب نے انسان نوں ایس قابل بنایا اے، تے کوئی وی شے ایس قابل تے طاقت نوں وگاڑنئیں سکدی جیہڑی الہی طور تے انسان نوں دتی گئی اے۔

18- 8-4:171 (توں چوتھا)

ہدایت دے روحانی مخالف دی سیان دے راہیں، ایہتھے تیکر پئی مسیح، سچائی دے راہیں انسان جنت دے بوہیاں نوں الہی سائنس دیاں کنجیاں نال دوبارہ کھولے گا جنہاں دے بارے انسان سمجھدا اے پئی اوہ بند ہو گئے نیں، تے اپنے آپ نوں بے گناہ، نیک، پاک، تے آزاد دیکھے گا۔

روزانہ دے فرض

میری بیکرا ایڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”میری بادشاہی آوے؛“ الہی سچائی، حیاتی تے پیاردی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیارنوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپنوں رد کردیاں ہوئے، سچی پراہ بندی، خیرات پسندی تے معافی نال پیاردیاں مٹھیاں سچیاں داپر چھانواں بن دا اے۔ ایس چرچ دے سارے رکنان نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔